

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

ایفای وظیفه جه مشهود اولان مساعی حسنه -
لرینه و قدم و اهلیت لرینه بناء محکمه تمیز اعضا سندن
سماحتلو محمد مظهر و نوره نشأت افندیلر حضراتنه
اناطولی قاضی سکرلکی پایه جلیلی
خداوندکار ولایتی استیناف محکمه سی اعضا سندن
عزتلو کر قوریس افندی به ترفیعاً رتبه ثانیه صنف
ثانیسی توجیه بیورلمشدر.

مناسرت ولایتی مرکز بدایت محکمه سی مدعی
عمومی معاونلکی اذمید سنجانی بدایت محکمه سی
جزا دائره سی رئیس عزتلو ثروت بکه تفویض
بیورلمش و مومی الیه ذاتاً محلف بولنمشدر.

نشان

وظیفه مأموریتی ایفاده مشاهد اولان مساعی
رویتدانه سنه مبنی عدلیه و مذاهب نظارت جلیله سی
سجل مدیریتی قامی باش میزی عزتلو علی شوکت بکه
اوچنجی رتبه دن مجیدی نشان ذیشانی احسان
بیورلمشدر.

تبدیلات

حمید آباد سنجانی دائره بلدیسی طرفدن متوفی
کموش اوغلی صاوا افندیدن الاجق ادعاسیله ورته دن
ترکیه واضعه الید زوجیسی سوسته علیه اقامه اولنان
دعوی اوزرینه لاحق اولان اعلامک ینه مزبوره
سوسته به بعد التبلیغ موقع اجرایه وضع ایدلمسیله
دائره اجراجیه ورته سائر به اخبار نامه کوندریله رک
متوفای مرقومدن منتقل خانه و سائر نهک حجز و فروخته
تثبت اولنمش ایسه ده ورته دن خرستو طرفدن
ویرلان عرضخالده اولباده کی اعلامک کندوسنه تبلیغ

ایدلمدیکی بیانیله حصه موروثه سنده برکونه معامله
قانونیه اجراسی جائز اوله میه جنی استعدا ایدلمکده
اولدیننه دائر امور حقوقیه مدیریتدن اعطا قلنان
مذکره ایله مافوقاتی اوزرینه متوفانک له و علیه
اقامه اولنان دعاویده محله نک بیک التیوز قرق
ایکنجی ماده سی حکم سنجیه ورته دن یالکز برینک
حضوریه رؤیت محاکمه ممکن اوله بیور ایسه ده
اولباده متوفی علیه لاحق اوله حق اعلام حکمکده
بوماده به قیاساً ورته دن برینه تبلیغله اکتفا حکم
واقع شامل اوله جنی سائر ورته نک محافظه حقوق
صددنده قانونک بخش ایدیکی طرق قانونیه به مراجعت
صلاحیت لرینی استعمالدن منع ایده جنی کی اصول
محاکمه حقوقیه قانونک یوز اوتوز یدنجی ماده سی
حکمنه ده منافی اوله جغندن و جریان معامله بی حاوی
اوراق مافوفه میسانده کی محلی اجرا مأموریتنک
درکنارنده اعلام مذکور صورتنک کرچه مزبوره
سوسته نک یازی بیلمسامی جهتیه امریله خدومی
مستدعی خرستویه تبلیغ اولنهرق بوصورتله حکم
اعلامدن خبردار ایدلمدیکی کوسترلمکده ایسه ده
مرقوم خرستو دخی ورته دن بولنمش اعتباریه اعلام
مذکورک مستدعی مرقومه دخی آروجه تبلیغی
لازم کله جکندن اولوجهله ایفای معامله ایدلمسی مقتضی
بولدینی انجمن عدلیه دن افاده اولنمشدر.

مندلی قضاسی بدایت محکمه سی هیئت علیهنده
موسی افندی طرفندن ویرلوب بغداد استیناف
محکمه سنجیه قبول اولنان اشتکاعن الحکام عرضحالی
اوزرینه جریان ایده جک محاکمه ده حاضر بولنق
اوزره هیئت حاکمه نک جلی حالنده محکمه محلیه
امورینک دوچار تعطیل اوله جغندن بخله استفسار
معامله به دائر بغداد موصل و بصره ولایتلری عدلیه
مفتشکنندن وارد اولان تحریرات اوزرینه اشتکاعن
الحکام عرضحالتک قبولندن صکره محکمه عانده سنجیه
جریان ایده جک تدقیقات و محاکمات انشانده مشکی
علیهکم بالذات حاضر بولنملری لزومی کوستر اصول

محاکمه حقوقیه قانونک اشتکا فصلنده برقید و اشارت
موجود اولماسنه نظراً امر محاکمه نک وکیل حضوریه
اجراسی مجاز بولنمش اولدینندن محکمه محلیه معاملاتی
دوچار تعطیل اولماق اوزره مشکی علیهم اولان هیئت
حاکمه نک ایچلرندن برینی و یاخارجدن مناسبی بالتوکیل
ولایت استیناف محکمه سنه کوندرمک صورتیه دعوت
واقعیه اجابت ایتلری لازم کله جکی انجمن عدلیه دن
افاده اولوجهله عدلیه نظارت جلیله سندن ذکر اولنان
مفتشکله جواباً تبلیغ ماده قلنمشدر.

محاکمه مقررالت

وظیفه ده دائر محکمه تمیز استعدا دائره سندن
اعطا قلنان ۱۸ شباط سنه ۳۱۸ تاریخی اعلامدر:
اسکچه قضاسنک سونه محله سننده مقیم اونجی
اصنافدن خرستو اوغلی قسطه ایله بیننده متکون
دعوا به دائر قضاء مزبور بدایت محکمه سی تجارت
قسمندن ویرلان ۲۵ شباط سنه ۳۱۷ تاریخی
اعلامک تمیزینی مستدعی محله مذکوره ده ساکن
اونجی خرستو اوغلی نعموک ویردیکی عرضحال
و متفرعاتی باش مدعی عمومیک مأموریت بهیه سنک
مطالعه نامه سیله برلشدیریله رک محکمه تمیز استعدا
دائره سنده لدی التدقیق مدت و شروط قانونیه سنه
موافق و اعلام مذکور وظیفه به متعلق اولغله عرضحال
مزبور بالقبول تدقیقات تمیز به اجراسنه ابتدار قلندی.
اعلام مذکورک خلاصه مآلی مرقوم قسطه نک
امر به محرر برقطعه سند موجب سنجیه قالیونجی زاده
حسین افندی به دینی اولوب مزبور نعم جانبدن
حسب الکفاله تأدیه و ایفا اولنان اوچ بیک سکر
یوز کسور غروشک تحصیلنه و مبلغ مزبورک تأمین
استیفاسی ضمندنده مرقوم قسطه نک معلوم الاسامی
اشخاص ذملارنده اولان میبالغ اوزرینه موضوع
حجزک تصدیقنه دائر محکمه مرقومه دن لاحق اولان
حکم غیابی علیه قسطه طرفندن اعتراض علی الحکم

وقوعه جریان ایدن محاکمه وجاهیده معترض مرقوم وکیلی سند مزبور کفالت شرحی فائض مقاوله سنی حاوی اولمغه برابر اساس دعوی برکفالت اچمه سنک استردادندن عبادت و بوایه صرف حقوق عادی دن معدود اولدیغندن بجهل رؤیت دعوی حقوق محکمه سینه عائد اولدیغنی و معترض علیه وکیلی مدعی علیه قسطه لک صفت تجاریه نی حائز و ذات دعوی بر تاجرک ذمتنه تعلق ایدن مبلغک تحصیلی طلبنه دأر اولمق اعتباریه دعوی مذکورنه فصل وحسی محکمه تجاریک وظیفه سی داخلنده ایدوکنی در میان ایلار لیه اولیاده سبق ایدن محاکمه و مذاکره نتیجه سنده مدعی نوممک مدعی علیه قسطه دن طب و دعوی ایلدیکی مبالغ بحسب الکفاله اولوب کرچه مدعی صفت تجاریه نی حائز ایهده کفالت معامله سی صرف معامله عادی دن اولدیغنه و بناء علیه دعوی واقعنه رؤیت و تدقی محکمه تجاریک وظیفه سی خارجنده بولدیغنه مبنی دعوی مذکورنه ردیه حیز موضوعک فک و رفقه قرار ویرلیدیکدن و مستدعی تمیزک اشبو قرار علیه نه لایحه سنده مندرج اعتراضاتک خلاصه سی دخی مدعی علیه قسطه لک صفت تجاریه نی حائز اولمی و مدیون اولدیغنی مبالغ دخی امور تجاری ایچون اشترا ایتمش اولدیغنی حظه اتمانندن متولد بولمسی ملاساتیه دعوی میجوت عنانک فصل وحسی محکمه تجاریک وظیفه سی داخلنده ایکن حقوق محکمه سینه مائینه قرار ویرلسی مغایر قانون ایدوکندن بجهل اعلام مذکورک تقضی استدعاسندن و مطالعه نامه ک مفادیده اعتراضات مسروده نک موافق قانون کوریه مدیکی بیانندن عبارت بولمشدر .

ایجابی لدی المذاکره دعوی واقعده مدعی علیه اولان کفیل قسطه نک صفت تجاریه نی حائز اولمی و کفالت ایلدیکی اچمه نک دخی معاملات تجاریه دن متولد بولمسی حسیله دعوی واقعنه رؤیت و تدقی محکمه تجاریک وظیفه سی داخلنده اولدیغنی حالده وظیفه سی خارجنده اولدیغنه قرار ویرلسی مغایر قانون کوریدیکندن اصول محاکمه حقوقیه قانونسک ایکی یوز اوتوز ایکنجی ماده سی موجبجه اعلام مزبورک قضیه کیفیتک احکام قانونیه دأر سنده یکیدن بالتدقیق اعلامه ربطی ضمننده محکمه مذکوریه اعاده سینه و اوچ یوز اون طقوز غروش اون پاره مصارف تمیزیه نک بالا خره حقمنز حقیقه جق طرفه راجع اولمق اوزره اول امرده مستدعی تمیز نومدن آلمسینه ۱۸ شباط سنه ۳۱۸ تاریخنده متفقاً قرار ویرلدی .

بک اوغلنده قارنواله جاده سنده تجاردق طروسک

و شکری بن محمدک اوچر سنه مدته کورکه قونلارینه دأر بولی سنجای بدایت محکمه سی جزا دأر سندن ویریلان اخی یوز یکرمی سکر نومرولی اعلام عیجالی قریلی زیر اوغلی بیرامک کیفیت قتلندن دولای جنایتله اتهام اولتان بوغاز قریلی محمد بن عمرک اون بش سنه مدته مدته کورکه قونلنده دأر قسطمونی ولای استیناف محکمه سی جزا دأر سندن ویریلان ایک یوز اون اتی نومرولی اعلام محکمه تمیز جزا دأر سنده تصدیق ایدلشد .

۲۰۲ نومرولی نسخه ده مندرج در سعادت جنایت محکمه سی اعلام نک بقیه سی :

تفصیلات مسروده دن مستفاد اولدیغنی وجهله متهم لئونیدانک اسلامی جفته تفنک ایه و قتل قصدیه جرح ایلدیکی ادعا و لمسنه قارشو مرقوم یزنده کی جفته نی آلق اوزره شاهدلردن میخال و قوچونک چککاری صره ده آتش آلدیغنی یاد و وکیلی عثمان طلعت بک دخی برطاق مدافعات سر دیله موکلنک عادی جارج اولدیغنه قرار اعطاسی لزومی ایراد ایلرندن ناشی جریان ایدن مذاکره طر فینک ادعا و مدافعاتی و بالجه اوراق تحقیقه مندرجاتی تدقیق و کیفیت تعمیق ایدلده و قعه کونی متهم لئونیدانک بقله ترلا سندن چقمسنی باغچوان میخال اخطار ایدرک مرقومک اوزرینه طوغری کیتیدیکی و مرقوم کله اوریرم دیسندن ناشی اولدیغنی محله طوره رق استمداد ایتکه رنجبر قوچو و اسلام دخی بالورود بر ایکی خطوه ده ایلر ویه مرقومه طوغری یوریدیکی صره ده مرقوم لئونید جفته نی اسلامک اوزرینه طوغر لته رق آتش ایتکه مجروحاً یره دوشیدیکی مشاهده ایلده کلری حضور محکمه ده مع القسم استماع اولتان شاهدلردن مرقومان باغچوان میخال ایه رنجبر قوچو طر فلرندن و یوم و قعه ده باغچوان میخالک ترلا سی جوارندن اثنای مرورنده سلاح سنی و اقشام کوبیده دخی لئونیدانک اسلامی جرح ایتدیکی مسئله سی ایشدیکی دیگر شاهد قوچو جانبندن اخبار اولمسینه و اسلامک ایه صاغ و صول فخذلری و قاصینی اوزرنده آلت ناریدن خروچ ایدن صاچه لر دن حاصل و متعدد جرحه کوریلوب بولرک قرق کونده درت یوز غروش اجرته و یکرمی ایکی کون ایشندن قاله صورتیه التیام بولدیغنی طیب راپورنده و لئونیدانک اسلامی جرح ایدرک و قعه نی معقب فرار ایلدیکی و در دست اولنه مدینی ضابطه عدلیه تقریرنده محرر بولمسی و حتی متهمک غیاباً محکوم اولقدن و خلی مدت مرور ایدلکدن صکره در دست ایدلمسی و مدافعاته نقل کلام

اولندقدقه مقدما مجروح ایه آره لرنده خصومت موجود اولسه بیهل متهمک ترلادن چقمسنی اخطار ایه اوزرینه طوغری یوریدکاری صره ده متهمک میخاله خطاباً کله اوریرم دیسینه و اسلامک اوزرینه جفته نی طوغر لته رق انداخت ایتکه متعدد و ته لکلی محلدن مجروح اولمسینه و آلت جرحک آلات ناریه و مه لکدن بولمسینه کوره اساساً فعل جرحک قتل قصدیه اشاع ایدلدیکنه قطعاً دلیل کورتمسی و کله اوریرم لاقردیسنک میخاله خطاباً ایراد اولمسنک دخی دلالتی تنویرتاً کیدو شاهد قوچونک اخبار سنک ده شهادت واقعیه تأیید ایلمی و مدافعه شاهدلر سنک افاداننده ایه مرقومونک ترلا ده منازعه ایتدکاری کورمش ایهده متهمک لئیدن جفته نی چککارینه و اسلامک و شاهد میخال و قوچونک لارنده سلاح بولدیغنه و شاهدلر ایه متهم یلنده خصومت اولدیغنه مدار اوله جق احوال مشاهده قلمه بامسی ملاساتیه متهم مرقومک تأویلاتی و وکیل مومی الهک اسباب مسروده یه قارشو بالجه مدافعاتی غیر مقبول و الحاصل متهم لئونیدانک سیک اوچ یوز اون بدی سنه سی شابطنک اونجی کونی ساعت بدی راده لرنده قوری چشمه فوقده کرج اوچاقلری جوارنده مهاجر علی اغانک ترلا سی داخلنده اسلامی منازعه ایتاننده جفته تفنک ایه و قتل قصدیه جرح ایلدیکی درجه نبویه موصول اولمغه مرقومک قتل قصدیه جرح فعلنک فاعلی اولمق اوزره مجرمینه متفقاً قرار ویرلده رک محاکمه اوطه سینه عودته اشبو قرار علناً قرائت و تفهیم اولندقدقه معاون مومی ایه مجرم لئونیدانک قانون جزانک یوز سکا سنجی ماده سینه توفیقاً تحدید جزاسی یکرمی ایکنجی ماده سی محکمه توفیقاً بر یجی سنه مدته حبسه محکمه جنایتجه قرار ویرلشد .

اولنجی عثمان آغانک مخدومی احمد نیازی اقدیسنک قریلی حاجی عثمانی ضرب ایلدیکی ثابت اولدیغندن بر یجی لیرا جزای نقدی آله رق مضروب اعطاسنه صدالحی هاشمک مرانغوز لطیفی ضرب ایلدیکی ثابت اولدیغندن بر هفت حیسنه ارزنجانی الیاس اوغلی احمدی ضرب و جرح ایدن قاضی امینک اون بش کون حبسه ایتکی طبله کاری حاجی بشایوط اوغلی علسکی به اطاله لسان ایدن یورکی صوفرا نیدسندن بر لیرا جزای نقدی اخذینه در سعادت بدایت محکمه سی جزا دأر سنده قرار ویرلشد .

تطبیقاً و ابتدای توقیفی اولان اوچ یوز یکرمی بر سنه سی مجرمک اون بش سنجی کونندن اعتباراً اوچ سنه مدته کورکه قونلنده و مصارف محاکمه اولان جمعاً یوز الی غروشک دخی کندوسندن بالتحصیل عدلیه وزنه سینه تسلیم ایتدیرلمسینه اوچ یوز اون طقوز سنه سی مایسنک یکرمی سکر سنجی کونی متفقاً قرار ویرلده رک اصول تفهیمی ایفا قلندی .

سلیمانیه جامع شرینی درو سنده و مؤذن اوطه سنده ابراهیم اقدیسنک قوندر لر نی سرت ایلدیکی ادعاسیه متهم بولتان توقادلی مصطفی حقه ده اجرا قتلان محاکمه نتیجه سنده مرقومک فعل سرت قهرانی کندوسنک اقرار سنک اخبار اولمسی و مال مسروقک نزدده ظهور ایتسی ایه ثابت اولوب اثیق اشبو سرت فعلنک آلت مخصوصه استعمالیه ایقاع اولدیغنی اکلا سیه مد یغندن عادی سرت فعلنک فاعلی اولدیغنه و قانون جزانک ایک یوز اوتوزنجی ماده سی محکمه توفیقاً بر سینه مدته حبسه و ضابطه جیه کفالت آله آلمسینه

زندان قوسنده بقال یوانک خانه سندن چارچیوه سرت ایلدیکی ادعاسیه متهم بولتان حال مانول حقه ده اجرا قتلان محاکمه نتیجه سنده مرقومک فعل سرت قهرانی شاهدلرک شهادتی و امارات ایه ثابت اولوب فقط مرقومک مذکور سرتی دیوار دلمک و یا تر دبان ایه آشوق و یا خود آلت مخصوصه استعمالیه قو اچق صورتیه ایقاع ایتدیکی تحقق ایدم دیکندن مرقومک کیجه وقتی آدم اوطورر محلدن سرت قهر اجتناسار الملک فعلنک فاعلی اولدیغنه و قانون جزانک ایک یوز یکرمی ایکنجی ماده سی محکمه توفیقاً بر یجی سنه مدته حبسه محکمه جنایتجه قرار ویرلشد .

اولنجی عثمان آغانک مخدومی احمد نیازی اقدیسنک قریلی حاجی عثمانی ضرب ایلدیکی ثابت اولدیغندن بر یجی لیرا جزای نقدی آله رق مضروب اعطاسنه صدالحی هاشمک مرانغوز لطیفی ضرب ایلدیکی ثابت اولدیغندن بر هفت حیسنه ارزنجانی الیاس اوغلی احمدی ضرب و جرح ایدن قاضی امینک اون بش کون حبسه ایتکی طبله کاری حاجی بشایوط اوغلی علسکی به اطاله لسان ایدن یورکی صوفرا نیدسندن بر لیرا جزای نقدی اخذینه در سعادت بدایت محکمه سی جزا دأر سنده قرار ویرلشد .

مجله ۲

حی قضاسی ناجی و بدایت محکمه سی رئیس محمد امین و مستطلقک وظیفه سی ایفا ایدن اعضادن خضر اقدیسنک قانز نک فعلندن طولای مظنون اولان بر شخصدن رشوت طلب ایتدکاری اجرا قتلان تحقیقاتی حاوی بغداد استیناف محکمه سی مدعی عمومیکندن کوندریلان اوراق مندرجاتندن اکلا سیه رق رئیس واعضای مومی الیهانک محاکمه آله اینه عذر لیه عدلیه نظارت جلیله سندن مأذونیت ویرلده رک مذکور مدعی عمومیکله تبلیغات مقتضیه اجرا و رئیس مومی الهک کیفیت محاکمه سندن طرف عالی مشیختناهی به معلومات اعطا قلمشدر .

اعلانات

ایکنجی تجارت محکمه سنده :

بیولک اطه ده جاقوموا ولی قارشوسنده فوسفولونک خانه سنده مستاجر موسیو شاقینک نزدده مسافره ساکن اولوب کاغد تجارتیه مشغول بولتان سلیم سعالک ۱۱ ایلول سنه ۳۱۹ تاریخندن اعتباراً اعلان افلا سته و مصالح افلا سیه نک رؤیت و تسویه سی ضمننده اعضای محکمه دن سعادتو جیل بکک زور قومیسر و دعوی وکیللرندن اونلک اقبان اقدیسنک موقت سندیک تعینلرینه و مغازه سیله اشایی زانده بیتیه سنک تمهرینه و اوراق و دفاتر سنک جلیله و کفالت ارانه ایدم دیکلی حالده حبسه و بوباده کی قرارک موقه اجرا سینه ایکنجی تجارت محکمه سندن قرار ویرلش اولدیغندن قانونامه تجارتک ۱۷۰ نجی ماده سی موجبجه دائمی سندیکر انتخاب اولمق اوزره ۳۱۹ سنه سی ایلولنک یکرمی بدنجی جمع ایرتمسی کونی ساعت الی راده لرنده اصحاب مطلوبک محکمه مذکورنه نک افلاس اوطه سینه کلاری اعلان اولور .

مدلر تجارت محکمه سنده :

بیلمار قصبه سنده مقیم تجاردن دیمتری قو قارینک ۱ رجب سنه ۳۲۱ و ۹ ایلول سنه ۳۱۹ تاریخندن اعتباراً افلا سته و معاملات افلا سیه نک ایقایی ضمننده محکمه تجارت اعضا دانه سندن شمس الدین اقدیسنک زور قومیسر و دعوی وکیللرندن قسطا کی آکریادی واستراق طاسه اقدیسنک موقت سندیک تعینلرینه و اشایی زانده بیتیه سیله بالجه ظهور ایدم جک اوراقنک ثبت دفتر ایدلده رک بالتهمیر محافظه سینه واشبو

قرارك موقتاً اجرا سنده مدلول تجارت محكمه سنجه قرار ویرلديكي جهته قانوننامه تجارتك يوز يتمشجي ماده سی منظوقجه دائمی سندیكلر انتخاب اولنق اوزره اصحاب مطلوبك اوچ يوز اون طقوز سنده شهر ایلونك یکر می بدنجی جمعه ایرتسی کونی ساعت یدی راده لرنده محكمه مذکوره نك قلم اوطه سنده کللری اعلان اولنور .

اعلامات شرعیہ اجرا دائره سنده :

متوفی اعظمی حسن بصری افندی ورته سنك ابراهيم افندی ذمتنده قسمت عسکریه محكمه سندن اعطا قلنان اعلام شرعی موجبنجه الاجنی اولان مبالغ معلومه نك تأمین استیفاسی ضمتنده مومی الیهك عهده تصر فده اولوب محجوز ودر سعادت بدایت محكمه سی ایکنجی حقوق دائره سندن ویریلان اعلام ایله فروختی محکوم بولنان قاضی قریه سنده عثمان اغا محله سنده آریلق چشمه سی جاده سنده واقع ۲۴ نومرو ایله مرقم برقطه عرصه بوندن اقدم لدی المزیاده لیرای عثمانی یوز غروشدن ایکی بیک یوز غروش بدل ایله طالی عهده سنده تقرر ایش و موقه قراردادده سی کشیده قلمش اولدیغندن یوزده بش ضمیله بوندن زیاده طالب اولانلرک تاریخ اعلاندن اعتباراً اوتوز برکونه قدر در سعادت اعلامات شرعیہ اجرا دائره سنده مراجعت ایللری ومدت مذکوره دن صکره ضم قبول اولنیوب تقرر ایدن بدل مقابلنده طالی عهده سنده معامله فراغیه سنك اجرا قلنه جنی اعلان اولنور .

متوفی محمد توفیق پاشا مخدومی احمد مختار بک کامل بک ذمتنده قسمت عسکریه محكمه سندن اعطا اولنان مقتضا اعلامی موجبنجه الاجنی اولان مبالغ معلومه نك تأمین استیفاسی ضمتنده مرهون وفروختی محکوم بولنان چارشوی کیرده ترزی باشی زقاغنده واقع سکز نومرو یله مرقم بر باب چوقه جی دکانی دروننده موجود بین الاصناف چوقه جی کدکی تعبیر اولنور وقف آلات لازمه معلومه نك اشبو تاریخ اعلاندن اعتباراً اون کون بش صکره فروخته تشبث اولنه جغندن طالب اولوب پی سورمک وبوندن زیاده معلومات آلق استیانلرک مدت مذکوره ختامندن صکره در سعادت اعلامات شرعیہ اجرا دائره سنده مراجعت ایللری اعلان اولنور .

محکمہ تجارت اجرا دائره سنده :

دلبرقادی نك طلعت افندی ذمتنده ایکنجی محكمه تجارت اعلامیه محکوم به الاجنی اولان اقچه نك

تسویه سیچون نور عثمانیه جاده سنده ۳۷ و ۳۹ وکر چخانه زقاغنده ۱ و ۳ نومرولرایله مرقم اون اوطه و بر صهرنج وقبو ومشمولات سائرینی حاوی و آلتنده کورجی وقهوه جی وجامه شویجی دکانلرینی محتوی شهر ییدی یوز غروش ایجار کتورر کارگیر خنده مدیون مومی الیهك متصرف اولدیغنی ربع حصه شایعه سی بوندن اقدم موقع مزایده یه قونیلر ق عثمانی لیراسی یوز غروش حسابیه اون یدی بیک غروشد طالی عهده سنده قلمش وتاریخ اعلاندن اعتباراً اوتوز برکونه یعنی کله جک تشرین اول رومینك اون سکزنجی جمعه ایرتسی کونی ساعت اونه قدر یوزده بش ضم قبول اولنسی و ذکراولنان یوم وساعتده صوک مزایده سی بالاجرا قرار قطعسی ویریلرک طالی عهده سنده کچورلسی مقرر بولنش اولدیغندن اندن صکره هر نه ضم وقوعبولور ایسه قبول اولنیه جغندن مذکور حصیه یوزده بش ضمیله طالب اولانلرک ودها زیاده معلومات آلق استیانلرک مدت مرقومه ظرفنده بدل مزایده نك عشرینه مساوی پی اقچه سیله برابر محكمه تجارت اجرا دائره سنده مراجعت ایللری ویوم ووقت مزبورده مذکور خانه پیشکاهنده مأموری مواجهه سنده حاضر بولنلری اعلان اولنور .

بک اوغلی بدایت محکمہ سی اجرا دائره سنده :

قصاب واسیلک خرملبوس و برادری نیقولاولدیگر برادری اولنجی خرستو ولدان لئونیدی رمپوزمتلرنده بک اوغلی بدایت محكمه سی ایکنجی حقوق دائره سنك برقطه اعلامی موجبنجه محکوم به الاجنی اولان معلوم المقدار مبالغك تأمین استیفاسی ضمتنده داین مرقومك عهده سنده وفاء مفروغ وفروختی اجرای موقته محکوم اولان قله زمین و سنان پاشا وقفندن فنارده عبدی صو باشی محله سنك فنار قپوسی جاده سنده اوتوز و اوتوز ایکی نومرولی ایکی باب اخشاب دکانه اولان بشر حصه اعتباریه اوچر حصه لری طقوز بیک غروش بدل ایله طالی عهده سنده تقرر ایدرک موقت قرار داده سی چکلمش اولدیغندن تاریخ اعلاندن اعتباراً اوتوز برکون ظرفنده یوزده بش ضمیله طالب اولانلرک ودها زیاده معلومات آلق استیانلرک یوزده اون نسبتنده کی دیپوزیتو اقچه لری مستصحباً بک اوغلی بدایت محكمه سی اجرا دائره سنده مراجعت ایللری ومدت مذکوره ختامنده یعنی شهر تشرین اولک اون دردنجی صالی کونی ساعت طقوز راده لرنده قرار داده قطعسی کشیده قلمق اوزره سالف الذکر دکان پیشکاهنده مأموری حضورنده حاضر بولنلری اعلان اولنور .

اطه یازاری بدایت محکمہ سی اجرا دائره سنده :
اطه یازاری قضاسنك اوچپوز اون الی سنده اعشار ملتزم لرندن متوفی حاجبی حسن افندی نك بدل اعشاردن اطه یازاری دیون عمومیه صندوقه دینی اولان مبالغ معلومه نك تأمین استیفاسی ضمتنده مدیون ومتوفای مومی الیهك محجوز اموالندن کونشلر قریه سنده قوم ترلانام موقعه بر طرفی سقاریه دیگر طرفی آغالرک نوری و بر طرفی ییشیل اغانك سید احمد دیگر طرفی آغالرک ترلالریله محدود اولوب زمینی ارض میری بولنان اون بش دونم ترلاسی التیوز یتش وینه سردیوان قریه سنده چورتلن دوزی نام موقعه طرفلری قاپود اوغلی قره قاش یورکی وطریق عام وز کریا افندی ترلاسی ایله محدود درت دونم ترلاسی اوچپوز وینه قریه مذکوره ده چورتلن دوزی نام موقعه طرفلری قورت درملی خرستو ودره وعلکسی اوغلی قره یانی وچوبان چاقر ترلالری ایله محدود درت دونم ترلاسی یوز وینه قریه مذکوره ده چارق اوواسی نام موقعه طرفلری سکودیلی عثمان و عثمان بک و خندق و کذا عثمان بک ترلاسی ایله محدود ایکی دونم ترلاسی ایکی یوز غروشد طالبلری عهده سنده تقرر ایدرک ۲ ایلون سنده ۳۱۹ تاریخنده احاله اولیه سی اجرا قلمش اولدیغندن قرار داده تاریخندن اعتباراً اوتوز برکون دها بلمزایده تقرر ایده جک بدل ایله احاله قطعیه لری اجرا قلنه جغندن یوزده بش ضمیله زیاده طالب اولانلرک اطه یازاری بدایت محكمه سی اجرا دائره سنده مراجعت ایللری اعلان اولنور .

اطه یازارینك طاطیوس محله سنده متوفی پاپاس اوغلی اوخانسنك زوجة متروکسی ازار قادی نك زوجی متوفای مرقوم ترک سندن با اعلام شرعی محکوم به الاجنی اولان مبالغ معلومه نك تأمین استیفاسی ضمتنده متوفای مرقومك مالی اولوب حجز وفروختی مقرر بولنان محله مذکوره ده کائن جانب یمینی طودی اوغلی اوخانسن خانه و عرصه سی وجانب یساری بر سقف آلتنده درکیغورق اوغلی کر قور خانه سی و آرقه سی آراکل عرصه سی وجبهه سی طریق عام ایله محدود فوقانی اوچ اوطه بر صوفه و تحتانی اوچ اوطه بر فرون بر مطبخ برجامه شویخانه نی مشتمل بر باب خانه لیرای عثمانی یوز سکز و مجیدیه یکر می غروش حسابیه درت بیک غروشد دایته مزبوره عهده سنده احاله اولیه سی اجرا قلمش اولدیغندن یوزده بش ضمیله زیاده طالب اولانلرک وبوندن زیاده معلومات استیانلرک اطه یازاری اجرا دائره سنده مراجعت ایللری اعلان اولنور .